

«ՇԻՐԱԿԻ Մ. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ

ԱԿԱԴԵՄԻԱԿԱՆ ՇԱՐԺՈՒՆՈՒԹՅԱՆ ԾՐԱԳՐԵՐԻ ԿԱԶՄԱԿԵՐՊՄԱՆ ԸՆԹԱՑԱԿԱՐԳ

1. Ընդհանուր դրույթներ

- 1.1. «Շիրակի Մ. Նալբանդյանի անվան պետական համալսարան» հիմնադրամի (այսուհետ՝ ՇՊՀ) ակադեմիական շարժունության կազմակերպման ընթացակարգի (այսուհետ՝ Ընթացակարգ) իրավական հիմքերն են «Կրթության մասին», «Բարձրագույն և հետբուհական մասնագիտական կրթության մասին» ՀՀ օրենքները, ՀՀ Կառավարության «Բարձրագույն ուսումնական հաստատություններում սովորողների ակադեմիական շարժունության կարգը», ՀՀ Կառավարության «Հայաստանի Հանրապետության բարձրագույն մասնագիտական կրթության մասնագիտությունների և որակավորումների ցանկը» հաստատելու մասին 23.10.2014թ. N 1191-Ն որոշումը, «Հայաստանի Հանրապետության բարձրագույն կրթության միջազգայնացման ռազմավարությունը», «ECTS ուղեցույց 2015»-ը, «Շիրակի Մ. Նալբանդյանի անվան պետական համալսարան» հիմնադրամի Կանոնադրությունը, Արտաքին համագործակցության կենտրոնի Կանոնադրությունը և այլ իրավական ակտեր:
- 1.2. Սույն Ընթացակարգը սահմանում է ակադեմիական շարժունության ծրագրերի բոլոր տեսակների կազմակերպման և իրականացման գործընթացը, նպատակները, խնդիրները, սուբյեկտների և օբյեկտների պարտականությունները:
- 1.3. Սույն Ընթացակարգի դրույթները տարածվում են ՇՊՀ ներքին շահառուների (վարչական, պրոֆեսորադասախոսական, ուսումնասօժանողակ կազմ, բակալավրի, մագիստրատուրայի և հետազոտողի կրթական ծրագրով սովորող ուսանողներ) (այսուհետ՝ Շահառու) վրա, ովքեր ակադեմիական շարժունության ծրագրերին մասնակցելու դեպքում կդառնան մասնակիցներ (Մասնակից):
- 1.4. Ակադեմիական շարժունությունը ուսանելու, դասավանդելու, հետազոտություններ կատարելու կամ որակավորումը բարձրացնելու նպատակով ինչպես Հայաստանի Հանրապետության, այնպես էլ այլ երկրների ուսումնական հաստատությունում ՇՊՀ Մասնակցի կրթական և/կամ հետազոտական աշխատանքների շարունակումն է:
- 1.5. Բարձրագույն ուսումնական հաստատությունների Շահառուների ակադեմիական շարժունությունը Բոլոնիայի գործընթացի հիմնական սկզբունքներից մեկն է: Շարժունությունը կարևոր գործիք է եվրոպական բարձրագույն կրթական տարածք (ԵԲԿՏ) ձևավորելու, միջմշակութային հաղորդակցման, հաջողված փորձի փոխանակման,

բենչմարքինգի իրականացման, ինչպես նաև ձեռք բերած գիտելիքները, հմտություններն ու կարողությունները նոր միջավայրում կիրառելու համար:

1.6. Սույն Ընթացակարգը, վերջինիս մեջ առաջարկվող փոփոխությունները և լրացումները հաստատում է Համալսարանի գիտական խորհուրդը:

1.7. Սույն Ընթացակարգն ուժի մեջ է մտնում հաստատման օրվանից:

## 2. Նպատակներ և խնդիրներ

Շահառուների ակադեմիական շարժունության կազմակերպման նպատակներն են՝

- հաստատել ներքին և արտաքին ինտեգրացիոն կապեր համալսարանների հետ և օգտագործել կրթության միջազգային ու հանրապետական ռեսուրսներն ու փորձը, որոնք թույլ կտան բարձրացնել կրթության հասանելիությունը, որակը և արդյունավետությունը,
- ակադեմիական շարժունության ծրագրերի շրջանակներում ձեռք բերված փորձի ներդրման ու կիրառման միջոցով նպաստել կրթական ծրագրերի՝ աշխատաշուկայի պահանջներին առավելագույնս համապատասխանեցմանը:

Շահառուների ակադեմիական շարժունության կազմակերպման խնդիրներն են՝

- բարելավել կրթության որակը և գիտական հետազոտությունների արդյունավետությունը,
- նպաստել աշխատաշուկայում ՇՊՀ շրջանավարտների մրցունակությանը,
- արդիականացնել ՇՊՀ կառավարման համակարգը,
- միջազգային և հանրապետական հաջողված փորձի ուսումնասիրության, յուրացման և ներդրման միջոցով նպաստել Շահառուների մասնագիտական և **ընդհանրական** կոմպետենցիաների զարգացմանը,
- նպաստել ՇՊՀ միջազգայնացման գործընթացին:

## 3. Ակադեմիական շարժունության հիմքերը

3.1 Մասնակիցների ակադեմիական շարժունությունը կարող է իրականացվել միջբուհական համագործակցության պայմանագրերի հիման վրա՝ համաձայն միջազգային ու հանրապետական գիտակրթական ոլորտում ՇՊՀ կողմից կնքված համաձայնագրերի, դրամաշնորհային ծրագրերի, նախագծերի, ինչպես նաև ՀՀ ԿԳՄՄՆ կողմից կնքված միջազգային ծրագրերի, արտասահմանյան կրթական, գիտական և հասարակական կազմակերպությունների, գիտաժողովների կազմակոմիտեների և այլ մարմինների կողմից ուղարկված հրավերների և Շահառուների սեփական նախաձեռնության հիման վրա:

3.2 Ակադեմիական շարժունության ծրագրին մասնակցելու նպատակով Մասնակցի և ուղարկող ու ընդունող ուսումնական հաստատությունների միջև կնքվում է եռակողմ համաձայնագիր, որտեղ նշվում են այն դասընթացները կամ ոլորտները, որոնք Մասնակիցները պետք է ուսանեն/դասավանդեն/ուսումնասիրեն ընդունող ուսումնական հաստատությունում:

- 3.3 ՇՊՀ-ում ակադեմիական շարժունության ծրագրերում մասնակցությունը կատարվում է մրցութային հիմունքներով:
- 3.4 Մրցույթի իրականացման չափանիշները յուրաքանչյուր ծրագրի դեպքում տեղադրվում են տվյալ ծրագրի կայքում և հասանելի են բոլորի համար:
- 3.5 Ակադեմիական շարժունության Մասնակցի ընտրությունն իրականացվում է **ռեկտորի հրամանով** ձևավորված հանձնաժողովի նիստի որոշմամբ: Հանձնաժողովի նախագահը համալսարանի ռեկտորն է, անդամներն են՝ **Կենտրոնների տնօրենները**, ֆակուլտետների ղեկանները, **Օտար լեզուների և գրականության ամբիոնի վարիչը**, Ուսանողական խորհրդի նախագահը: Եթե հանձնաժողովի նախագահը կամ անդամներից մեկը/մի քանիսը մասնակցում են ակադեմիական շարժունության ծրագրի մրցույթին, ապա, շահերի բախումը բացառելու համար, տվյալ մրցույթին նրանք չեն ընդգրկվում հանձնաժողովի կազմում: Եթե դրա արդյունքում առաջանում է քվորումի ապահովման խնդիր, ապա ռեկտորի հրամանով հանձնաժողովի կազմը ժամանակավորապես համալրվում է այլ անդամներով:
- 3.6 Մասնակցի՝ ակադեմիական շարժունության մրցույթին մասնակցելու հարցը որոշվում է ուղարկող և ընդունող բուհերի դասընթացների կրթական վերջնարդյունքերի կամ ընտրված ոլորտների համապատասխանության/**համադրելիության** հիման վրա, ինչն ամրագրվում է կնքվող եռակողմ համաձայնագրում (ուղարկող ու ընդունող բուհեր և Մասնակից): Համաձայնագրի ձևը տեղադրվում է տվյալ ծրագրի կայքում և հասանելի է բոլորին: Ուղարկող և ընդունող բուհերի դասընթացների կրթական վերջնարդյունքների կամ ընտրված ոլորտների համադրելիությունն ու փոխճանաչումը գրավոր հաստատվում է ուղարկող համալսարանի համապատասխան մասնագիտական ամբիոնի վարիչի, **ՄԿԾ-ի պատասխանատուի և Ուսումնամեթոդական գործընթացի կառավարման կենտրոնի պրոռեկտոր-տնօրենի** կողմից: Արտաքին համագործակցության կենտրոնի (այսուհետ՝ Կենտրոն) տնօրենը համապատասխան գրությունով իրազեկում է վերոնշյալ աշխատակիցներին, թե ինչ ժամանակահատվածում պիտի ներկայացվի այդ գրությունը:
- 3.7 Մասնակցության դիմումին կից դիմորդը ներկայացնում է ակադեմիական թերթիկը, օտար լեզվի իմացության վկայականը, հրավիրող կողմի նամակը (վարչական, պրոֆեսորադասախոսական, ուսումնաօժանդակ կազմի համար) և մասնակցության համար պարտադիր այլ փաստաթղթերը, որոնք տեղադրվում են ծրագրի կայքում:
- Այս կետը վերաշարադրել այսպես – Մասնակցության հայտադիմումին կից դիմորդ-ուսանողը ներկայացնում է նաև հետևյալ փաստաթղթերը (եթե ընդունող համալսարանը ներքոհիշյալներից բացի այլ փաստաթղթեր է պահանջում, ապա՝ նաև դրանք).**
- անձնագրի պատճեն,
  - ինքնակենսագրություն (CV)՝ Europass ձևաչափով,
  - ակադեմիական առաջադիմության թերթիկ (ՄՈԳ),
  - օտար լեզվի իմացությունը հավաստող վկայական կամ այլ փաստաթուղթ,
  - մոտիվացիոն նամակ,

- ուսումնառության համաձայնագիր (հաստատված համապատասխան մասնագիտական ամբիոնի վարիչի և Ուսումնամեթոդական գործընթացի կառավարման կենտրոնի պրոռեկտոր-տնօրենի կողմից):

Կենտրոնը մրցույթի արդյունքում ընտրված Մասնակցին տեղեկացնում է, թե ինչ փաստաթղթեր նա պիտի ներկայացնի մինչև ընդունող համալսարան մեկնելը և վերադառնալուց հետո:

Մասնակցության հայտադիմումին կից դիմորդ-ՇՊՀ աշխատակիցը ներկայացնում է.

- անձնագրի պատճեն,
- ինքնակենսագրություն (CV)՝ Europass ձևաչափով,
- դասավանդման/վերապատրաստման պլանի նախնական տարբերակը՝ հաստատված մասնագիտական ամբիոնի վարիչի և Ուսումնամեթոդական գործընթացի կառավարման կենտրոնի պրոռեկտոր-տնօրենի կողմից (մրցույթի արդյունքում ընտրվելուց հետո Մասնակիցը սա քննարկում և վերջնական հաստատում է ընդունող համալսարանի հետ),
- մոտիվացիոն նամակ,
- օտար լեզվի իմացության վկայական կամ այլ փաստաթուղթ:

Կենտրոնը մրցույթի արդյունքում ընտրված Մասնակցին տեղեկացնում է, թե ինչ փաստաթղթեր պիտի նա ներկայացնի մինչև ընդունող համալսարան մեկնելը և վերադառնալուց հետո:

Հավելված 1-ում և Հավելված 2-ում ներկայացված են դիմորդների գնահատման ձևաթղթերը, որոնցում առանձնացված են ընտրության մրցույթի ժամանակ դիմորդին գնահատելու գործոնները: Վերջիններս, բացի օտար լեզվի իմացության գործոնից, գնահատվում են 100 միավորանոց համակարգով: Գործոններից «Հայտի համապատասխանությունը» գնահատելիս հաշվի է առնվում ուղարկող և ընդունող համալսարանների ՄԿԾ-ների, դասավանդման/վերապատրաստման ոլորտների համադրելիությունը: Այս դեպքում, եթե դրանց անվանումներն ամբողջությամբ նույնն են, ապա հատկացվում է առավելագույն 100 միավոր, եթե դրանց անվանումներում կան մասնակի տարբերություններ, ապա հատկացվում է 80 միավոր, եթե անվանումները լրիվ տարբեր են, սակայն նույն են մասնագիտական կրթության ոլորտները/ենթաոլորտները, ապա հատկացվում է 60 միավոր: Իսկ երբ ամբողջովին տարբեր են ՄԿԾ-ները, ոլորտներն ու ենթաոլորտները, ապա գնահատման այդ գործոնին միավոր չի հատկացվում:

3.8 Մրցույթի արդյունքների հրապարակումից հետո դիմորդն իրավունք ունի ուղարկող համալսարանի մրցութային հանձնաժողովից պահանջելու լրացուցիչ մեկնաբանություններ իր գնահատականի հաշվարկման վերաբերյալ: Գնահատականի վերաբերյալ դիմորդի բողոքը կամ անհամաձայնությունն ընդունվում ու դիտարկվում է բուհի ռեկտորի կողմից միայն մրցութային հանձնաժողովի կողմից թույլ տված ընթացակարգային կամ հաշվարկի խախտումների առկայության դեպքում:

- 3.9 Ուսանողի ակադեմիական շարժունության դեպքում պետք է ներկայացնել ընդունող համալսարանում ուսանելու դասընթացների ցուցակը: - **Սա հանել**
- 3.10 Հանձնաժողովի որոշումը մրցույթի արդյունքներն ամփոփելուց հետո առավելագույնը հինգ աշխատանքային օրվա ընթացքում Կենտրոնը ներկայացնում է դրանք հրավիրող կողմին, և ակադեմիական շարժունության մասին դրական եզրակացություն ստանալու դեպքում ուղարկող ու ընդունող համալսարանների և Մասնակիցների միջև կնքվում է եռակողմ պայմանագիր, որում ամրագրվում են Մասնակցի և համալսարանների պարտավորություններն ու իրավունքները՝ կապված շարժունության իրականացման, արդյունքների փոխձանաչման, իսկ ուսանողի վերադարձից հետո՝ ուղարկող համալսարանում նրա ուսումնառության շարունակման և ակադեմիական տարբերությունների մարման ժամկետների վերաբերյալ ուսանողի պարտավորությունների հետ:
- 3.11 Պայմանավորված ծրագրի տևողությամբ՝ ակադեմիական շարժունությունը կարող է լինել կարճաժամկետ, միջնաժամկետ և երկարաժամկետ, ինչպես նաև կարող է լինել ներքին (երկրի ներսում՝ այլ համալսարաններ) և արտաքին (երկրից դուրս՝ այլ համալսարաններ):
- 3.12 Ակադեմիական շարժունության մեջ ներգրավված ուսանողների ուսումնական գործունեության գնահատումը կատարվում է ECTS-կրեդիտային համակարգի հիման վրա՝ համաձայն ՇՊՀ-ում ընդունված համապատասխան կանոնակարգերի:
- 3.13 Ակադեմիական շարժունության արդյունքում կրեդիտներով արտահայտված կրթական արդյունքների տարբերությունը չպետք է գերազանցի համապատասխան որակավորում ստանալու համար անհրաժեշտ ընդհանուր ուսումնական ծանրաբեռնվածության՝ բակալավրի կրթական ծրագրի 25 տոկոսը, մագիստրոսի կրթական ծրագրի 50 տոկոսը և հետազոտողի կրթական ծրագրի 30 տոկոսը: - **Սրա փոխարեն գրել – Ակադեմիական շարժունությանը մասնակցելու իրավունք ունեն բակալավրի առաջին կուրսն ավարտած ուսանողները: Ակադեմիական շարժունության ընթացքում Մասնակիցը պարտավոր է Ընդունող համալսարանում կուտակել համադրելի/փոխձանաչելի առնվազն 12 ECTS-կրեդիտ մասնագիտական դասընթացներից: Եթե ակադեմիական շարժունության արդյունքում կրեդիտներով արտահայտված կրթական արդյունքների տարբերությունը կազմում է 20 և ավելի ECTS-կրեդիտ, ապա Մասնակիցն ուղարկող համալսարանում կարող է վերականգնվել և շարունակել իր ուսումնառությունն այն կիսամյակից, որից մեկնել էր ընդունող համալսարան:**
- 3.14 Ընդունող համալսարանում ուսումնառության ժամկետի ավարտից հետո Մասնակից-ուսանողն իր ուսումնասիրած առարկաների և պարապմունքների ցանկը, ինչպես նաև ստացած կրեդիտներն ու գնահատականները հաստատող ակադեմիական տեղեկանքը պետք է ներկայացնի ուղարկող բուհ՝ ակադեմիական ձանաչման մասին փաստաթուղթը նախապատրաստելու համար:
- 3.15 Եթե Մասնակից-ուսանողն ընդունող համալսարանում ուսումնառության արդյունքում ունենում է առարկայական տարբերություններ կամ ակադեմիական պարտքեր, որոնց ընդհանուր գումարը քիչ է 20 ECTS-կրեդիտից, ապա դրանց լուծարումը կատարվում է

ուղարկող համալսարանում՝ ըստ Ուսումնամեթոդական գործընթացի կառավարման կենտրոնի կողմից հաստատված ժամանակացույցի:

#### 4. Ակադեմիական շարժունության հետ կապված ֆինանսական հարցերի կարգավորումը

- 4.1 Ակադեմիական շարժունության մեջ ներգրավված ուսանողները վերադառնալուց հետո պահպանում են ուղարկող համալսարանում իրենց կարգավիճակը՝ ներառյալ ՇՊՀ-ի հետ նախապես կնքված ուսումնառության կազմակերպման պայմանագրում նշված բոլոր իրավունքներն ու պարտավորությունները:
- 4.2 Երկարաժամկետ կամ կարճաժամկետ ակադեմիական շարժունության ծրագրերում ներգրավված վճարովի համակարգում սովորող ուսանողները չեն ազատվում ուսման վարձավճարից և ուղարկող համալսարանում պարտավոր են վճարել այն կիսամյակի ուսման վարձավճարը, որի ընթացքում նրանք սովորելու են արտերկրում:
- 4.3 Ակադեմիական շարժունության ծրագրերի ֆինանսավորումը կարող է իրականացվել միջպետական համաձայնագրերով նախատեսված միջոցների, համալսարանի կողմից կնքված դրամաշնորհի, ծրագրի և այլ ֆինանսական միջոցների, ինչպես նաև ուսանողի անձնական միջոցների հաշվին:

#### 5. Ակադեմիական շարժունության մասնակիցների պարտականությունները

Ուղարկող համալսարանը պարտավոր է՝

- ազատել **Մասնակից**-ուսանողին ուսումնական համաձայնագրում ամրագրված դասընթացների, այլ ուսումնական բաղադրիչների՝ ուսումնական պլանով նախատեսված ամփոփիչ և միջանկյալ ստուգումների, ստուգման այլ ձևերի վերահանձնումից՝ հաշվի առնելով ձեռք բերված կրեդիտները (**այդ նպատակով Կենտրոնի կողմից ՇՊՀ ռեկտորին ուղղված զեկուցագրով իրազեկվում է ուսանողի վերադարձի մասին և կից գրությամբ ներկայացվում է ընդունող համալսարանում նրա ստացած ECTS-կրեդիտների ու գնահատականների համարժեքությունը ՇՊՀ-ում գործող ECTS-կրեդիտների ու գնահատման համակարգին**),
- Կենտրոնի միջոցով կազմակերպել ակադեմիական շարժունության վերաբերյալ տեղեկատվական և խորհրդատվական հանդիպումներ,
- Կենտրոնի միջոցով կապ հաստատել և պահպանել ընդունող համալսարանի և ակադեմիական շարժունության Մասնակցի հետ՝ հյուրընկալող համալսարանում վերջինիս ուսումնառության ամբողջ ընթացքում,
- Կենտրոնը կազմում է վիճակագրական հաշվետվություն Շահառուների-փոխել, դարձնել՝ **ակադեմիական** շարժունության ծրագրերի վերաբերյալ յուրաքանչյուր կիսամյակ, ինչպես նաև նույն ժամանակահատվածում անցկացնում է հարցումներ Մասնակիցների

շրջանում՝ պարզելու համար նրանց գոհունակությունը ինչպես Կենտրոնի կողմից ցուցաբերած աջակցությունից, այնպես էլ՝ հյուրընկալող համալսարանից:

- Մասնակից-ուսանողի վերադառնալուց հետո կազմել լրացուցիչ ժամանակացույց՝ առաջացած ակադեմիական տարբերությունների **լուծարման** համար:
- Համալսարանի կողմից արտոնված ձևերով և ժամկետներում արտասահմանում մասնակի ուսումնառություն անցած շրջանավարտների ավարտական աշխատանքի կամ մագիստրոսական թեզի պաշտպանությունը կարող է իրականացվել ֆակուլտետի (ինստիտուտի, կենտրոնի, դպրոցի) ղեկավարի կողմից առաջադրված և հաստատության ղեկավարի կողմից հաստատված առանձին ժամկետներում:
- Երկու և ավելի հաստատությունների կողմից իրականացվող համատեղ կրթական ծրագրերի շրջանավարտների համար կարող է կազմակերպվել համատեղ ամփոփիչ ատեստավորում՝ հաստատությունների միջև նախապես փոխհամաձայնեցված և համապատասխան պայմանագրով հաստատագրված ընթացակարգերով:
- ակադեմիական շարժունության ժամանակ Մասնակից-ուսանողի կողմից ձեռք բերված լրացուցիչ դասընթացների կրեդիտներն ամրագրել ավարտական վկայականի Հավելվածում:
- Կենտրոնը, ակադեմիական շարժունությունն սկսելուց առաջ, Մասնակցին իրազեկում է սույն Ընթացակարգի մասին:

Մասնակիցը պարտավոր է՝

- ներկայանալ ՇՊՀ՝ ակադեմիական շարժունության համաձայնագրում նշված ժամկետը լրանալուց 3-5 աշխատանքային օր հետո և Կենտրոն ներկայացնել **հաշվետվություն իր կողմից կատարված աշխատանքների մասին՝ երկու շաբաթվա ընթացքում,**
- Ուսումնամեթոդական գործընթացի կառավարման կենտրոնի հետ երկշաբաթյա ժամկետում համաձայնեցնել ժամանակացույցը և ըստ դրա մարել տվյալ կիսամյակի ուսումնական պլանով նախատեսված ու ակադեմիական շարժունության եռակողմ համաձայնագրում նշված դասընթացներից ձեռք բերած կրեդիտների միջև առաջացած տարբերությունները,
- մասնակցել ՇՊՀ-ում անցկացվող փոխատեղմանը (ռոտացիային)՝ ընդունող համալսարանում ստացած գնահատականներով (վերջիններս համապատասխանեցվում են ՇՊՀ-ի գնահատման համակարգին),
- կապ պահպանել ուղարկող համալսարանի Կենտրոնի հետ,
- վերադառնալուց հետո 3-5 օր հետո ներկայացնել դիմում ռեկտորի անունով՝ իր ուսումնառությունը շարունակելու խնդրանքով՝ կցելով արտերկրում սովորած դասընթացների և ձեռք բերած կրեդիտների ակադեմիական տեղեկանքը,
- ակադեմիական շարժունության Մասնակից-ՇՊՀ աշխատակիցը, մինչև մրցույթին մասնակցելը, կապ է հաստատում ընդունող համալսարանի հետ, որպեսզի քննարկի և հաստատի իր դասավանդման/վերապատրաստման պլանի նախնական տարբերակը՝ մրցութային հանձնաժողովին ներկայացնելու համար,

- ակադեմիական շարժունության Մասնակից-ՇՊՀ աշխատակիցը պահպանում է իր աշխատանքը՝ ներառյալ աշխատանքային պայմանագրում նշված բոլոր իրավունքներն ու պարտավորությունները: Վերադառնալուց հետո, մեկ շաբաթվա ընթացքում նա պետք է Կենտրոն ներկայացնի հաշվետվություն՝ **իր կողմից կատարված աշխատանքների մասին,**
- ձեռք բերված գիտելիքները, հմտություններն ու փորձը հրապարակային հաշվետվության ձևով ներկայացնել ու տարածել ուղարկող համալսարանի ներքին և արտաքին շահառուների շրջանում՝ **Կենտրոնի և մասնագիտական ամբիոնի աջակցությամբ:**



ԷՐԱԶՄՈՒՍ+ ԱԿԱԴԵՄԻԱԿԱՆ ՇԱՐԺՈՒՆՈՒԹՅԱՆ ԾՐԱԳՐՈՎ \_\_\_\_\_

ՀԱՄԱԼՍԱՐԱՆԻ ԴԻՄՈՐԴՆԵՐԻ ԳՆԱՀԱՏՈՒՄ

20\_\_-20\_\_ ՈՒՍՏԱՐԻ

ՈՒՍԱՆՈՂՆԵՐ

N	ԱԶԳԱՆՈՒՆ	ԱՆՈՒՆ	ՄԱՍՆԱԳԻՏՈՒ- ԹՅՈՒՆԸ ՄԱՅՐ ԲՈՒՀ-ում	ՄԱՍՆԱԳԻՏՈՒ- ԹՅՈՒՆՆ ԸՆԴՈՒՆՈՂ ԲՈՒՀ-ում	ՀԱՅՏԻ ՀԱՄԱՊԱՏԱՍ- ԽԱՆՈՒԹՅՈՒՆ (100 միավոր)	ՀԱՄԱԴՐԵԼԻ ԿՐԵԴԻՏՆԵՐԻ ՔԱՆԱԿ	ՄՈԳ (100 միավոր)	ՄՈՏԻՎԱ- ՑԻԱ (100 միավոր)	ՕՏԱՐ ԼԵԶՎԻ ԻՄԱՑՈՒԹ- ՅՈՒՆ
1									

\_\_\_\_\_ 20\_\_թ.

ԷՐԱԶՄՈՒՄ, ԱԿԱԴԵՄԻԱԿԱՆ ՇԱՐԺՈՒՆՈՒԹՅԱՆ ԾՐԱԳՐՈՎ \_\_\_\_\_ ՀԱՄԱԼՍԱՐԱՆԻ

ԴԻՄՈՐԴՆԵՐԻ ԳԼԱՀԱՏՈՒՄ

20\_\_-20\_\_ ՈՒՍՏԱՐԻ

ԴԱՍԱԽՈՍԱԿԱՆ/ՎԱՐՉԱԿԱՆ ԿԱԶՄ

№	ԱԶԳԱՆՈՒՆ	ԱՆՈՒՆ	ԴԱՍԱՎԱՆԴՄԱՆ/ԱՇ-ԽԱՏԱՆՔԻ ՈԼՈՐՏԸ ՇՊՀ-ում	ԴԱՍԱՎԱՆԴՄԱՆ/ՎԵ-ՐԱՊԱՏՐԱՍՏՄԱՆ ՈԼՈՐՏՆ ԸՆԴՈՒՆՈՂ ԲՈՒՀ-ում	ՀԱՅՏԻ ՀԱՄԱՊԱՏԱՍ-ԽԱՆՈՒԹՅՈՒՆ (100 միավոր)	ՄՈՏԻՎԱՑԻԱ (100 միավոր)	ՕՏԱՐ ԼԵԶՎԻ ԻՄԱՑՈՒԹՅՈՒՆ
1.							
2.							

\_\_\_\_\_ 20\_\_թ.